



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1558. usque ad annum 1560

**Fleury, Claude**

**August. Vind. [u.a.], 1771**

**VD18 90118588**

§. 58. Gentilis palinodia denuo cantata mortis supplicio ereptus.

---

[urn:nbn:de:hbz:466:1-66800](https://nbn-resolving.org/urn:nbn:de:hbz:466:1-66800)

tilis tanquam perjuri reus, necnon de Sæcul. XVI  
A.C. 1558.  
 innovatis Serveti erroribus convictus  
 comprehenditur. Is quidem se tueri sol-  
 licitus cuncta hæc probra pernegabat:  
 verum testes, qui eum hosce errores  
 tradentem audiisse affirmabant, tanto  
 numero adversus eum proferebantur,  
 ut haud amplius inficiari auderet, quod  
 juramenti religionem violasset: nihilo-  
 minus, ut plene convinceretur, Calvinii  
 potestati relinquebatur, qui adversus  
 eum tanta declamabat vehementia, ut  
 eum fateri cogeret, quod earum re-  
 rum, de quibus cum tanta audacia di-  
 sputare attentaverat, penitus ignarus  
 esset.

## §. LVIII.

*Gentilis palinodia denuo cantata mor-  
tis supplicio ereptus.*

**G**entilis ad hæc angustias redactus  
 suæ salutis haud melius se consul-  
 turum existimabat, nisi suis Judicibus  
 libellum supplicem porrigeret, in eoque  
 suos errores confessus rationes, ac te-  
 stimonia proferret, quibus ad novam  
 hanc sectam tuendam inductus fuisset.  
 Hunc ergo libellum Judices transmit-  
 tunt ad Calvinum, qui illum altera die  
 refellebat, hancque confutationem mox  
 Judices Gentili tradebant, dato nego-  
 tio, ut errores suos retractaret, si vero



Sæc. XVI.  
A.C. 1558.

id renueret, se mortis supplicio tollendum sciret. Perceptis hisce minis Valentinus Gentilis suos Judices eo inducere nitebatur, ut ipsum tanquam virum, qui pro tuenda veritate mortem oppeteret, paratum crederent: Verum amicorum monitis certior factus, quod adversus eum iudicii acta toto studio instruerentur, brevique mortis sententia in eum pronuntiaretur, simulato errores suos detestandi animo, ad Senatum literas dabat, in quibus Blasphemias suas abominans sincero corde hæreticas suas opiniones, quas hucusque tenuit, palamque tradidit, ejurabat, simulque Judicum suorum clementiam implorans fidei confessionem formulæ nuper a se subscriptæ haud absimilem emittebat. Data est illius epistola die vigesima quarta Augusti.

Hac submissione Judices utcunque contenti eidem vitæ gratiam inpertiebantur, imposita tamen pœna, vi cuius flexis genibus, capite detecto, soloque vestitus indusio, ac facem accensam in dextera tenens veniam a Deo, suisque Judicibus peteret, necnon palam, altaque voce profiteretur, quod sola perversitate sua, ac horrenda impietate concitatus falsam, & hæreticam doctrinam disseminasset, nunc vero omnes libros, quos ad tuendos suos errores



rores vulgasset, detestaretur, ac ipse-  
met in ignem illos projiceret, utpote  
mendaciis fidei puritati summe nocivis  
repletos. Postea insuper est decretum,  
ut ignominioso hoc apparatu instructus  
per omnia urbis compita circumducere-  
tur. Lata quidem est hæc sententia  
die octava Septembris: quæ tamen  
prævalente Amicorum ejus potentia  
effectui data non fuit; mox enim sine  
ulla multa, imo nequidem præstita  
cautione, cum fidejussores obtinere non  
posset, libertati restituebatur, duntaxat  
jurejurando pollicitus, quod absque  
Magistratus consensu nunquam urbe ex-  
cedere vellet.

## §. LIX.

*Geneva auffugiens, ac Lugdunum  
delatus.*

Verum eorum, quæ promiserat, ni-  
hil omnino exequabatur; quippe  
paulo post furtive Geneva excedens, ad  
Gribaldum Amicum suum in Gesia-  
nam Provinciam auffugit: inde vero  
Lugdunum contendens, universum Del-  
phinatum, Sabaudiam, vicinasque Pro-  
vincias peragratus est, ac tandem ad  
eundem Gribaldum rediit, ubi tamen  
Gesiani Prætoris jussu in carcerem de-  
ductus est: verum Amicorum suorum  
ope, ac pecuniis, quas Alciatus ero-  
gabat,

Sæcul. XVI.  
A.C. 1558.